

重刊道藏輯要

洞玄金玉集

崑崙無爲清淨丹陽馬真人述

七言絕句

重陽憫化妙行真人時在崑崙山居菴用三尺半青布造
成一巾頂排九疊九縫言夢中曾見名曰九轉華陽巾師
父風貌堂堂有若鍾離之狀加之頂起此巾愈增華潤誠
爲物外人也故作是詩以讚之

貌似鍾離實在身自然惺灑好精神
怎知不是紅塵客九轉華陽青布巾

道藏輯要

洞玄金玉集

壹

胃集六

讚重陽憫化妙行真人

雲冠霞帔絳霄裙身入圓光別紫清
妙行真人酬本願拯危救苦度眾生

繼重陽真人韻

不居鄜市不居村不憶妻男不憶孫
志在環墻修大道幹開玉戶入金門

述懷

身在儒門三十年不知一字大如天
偶因悟徹風仙理頓覺靈明滿大千

又

虛無浩渺神仙國鬱岨穹窿自己天白日清閒無冗事丹霄出入駕飛煙

又

逍遙自在三千客坦蕩無拘一散仙清淨幹開壺內景無爲踏碎洞中天

和長安藥王二郎韻

雲遊水歷過中牟得遇重陽師大獎許我將來了了歸洞天三十六仙長

重陽真人欲往甯海親筆畫一畫圖與醴泉縣弟子史公密收之鈺預夢南園一仙鶴從地湧出經月有重陽師父

道藏輯要

洞玄金玉集

二

胃集六

到來指鶴起處要修菴居鈺又夢參從師父入一山翌日師父訓鈺小字山侗鈺隨師父到南京至年終師父要歸逝鈺求辭世頌師父言我在關中呂道人菴壁上預前寫下鈺覆知師父鈺有三願一欲將師父全真集印行師父曰長安決了二願欲與師父守服三年師父曰劉蔣村有我舊菴基址可住三願勸十方父母捨俗修仙師父言罷昇霞余別大梁經洛陽入潼關過華嶽訪京兆有道友相留在孔先生菴內盤桓數日有醴泉史公相尋來在東門裏茶坊相見問及姓氏渠云醴泉史風子亦是重陽真人門弟子余聞之甚喜師父屢曾說賢茶畢余往太平樓下